



D. O. M.
THESES ANATOMICÆ
ET
CHIRURGICÆ.



SSA, solidiores corporis humani partes, cæteris omnibus aliis sustinendis stabiliendisque inserviunt. Intimiorum illorum compagem perlustranti, fibras mirificè inter sese implexas & ordinatas, multiplicia vasa diversis plena liquoribus, eandemque demùm structuram ac molliores corporis partes undique exhibent. Non mirum igitur, utrumque partium genus, iisdem præcisè morbis affici, tumoribus scilicet, nec non continui ac contigui solutionibus.

H A s inter, haud infrequentior *Luxatio*, quæ est *Recessus extremi ossis mobilis ex cavo in quo naturaliter movebatur*. Quicumque morbi illius curationi cupit incumbere, non solum commissuras ossium, sed etiam in iis ligamenta, cartilagine, humorem synoviale, musculos, vasaque iis vicina perspecta habere debet; de iis ergo, antequam ulterius progrediamur, pauca in antecessum præmittere juvat.

2
Ossium commissura, non eorum solum consensum, sed & eorum adhesionem præsupponit. Consensus ossium, *Articulatio*, adhæsiō, *Symphysis* dicitur. Multiplex articulatio: vel enim ossa moventur, vel non; primo in casu *Diarthrosis*, in secundo verò *Synarthrosis* vocatur. Tertiam articulationis speciem quidam admittunt (a) in quâ, ossa eadem ac in *Synarthrosi* ratione juncta, quemdam tamen motum possunt exercere; hanc idèd *Amphiarthrosim* nominant.

DUPLEX *Diarthrosis*, manifesta nempe & obscura. *Diarthrosis* manifestæ species sunt, 1^o. Orbicularis, quæ rursus *Enarthrosim* & *Arthrodiam* continet. 2^o. Alterna, quam *Gynglimum* quoque appellant. *Gynglimus* angularis est vel lateralis: angularis in perfectum & imperfectum dividi potest. 3^o. Planiformis, ab obscura *Diarthrosi* nullatenus distinguenda.

AD *Synarthrosim*, alteram articulationis speciem, 1^o. utraque futura, legitima, nempe & notha, 2^o. Harmonia: 3^o. *Gomphosis*, quartoque tandem *χινδύλας* (b) possunt referri.

OSSA, vel solâ partium suarum dispositione, vel substantiâ quâdam mediante inter sese connectuntur; hinc duplex *Symphysis*, prima *Symphysis* absque medio, altera *Symphysis* cum medio, *Synsarcosis*que, *Synchondrosis*, aut *Syssarcosis* pro variâ substantiæ mediantis indole nuncupatur.

CARTILAGO substantia est flexilis, albicans, elastica, extus levigata, intus compacta, absque cavis, fibrisque, saltem conspicuis. Cartilagine duplicis generis humano in corpore passim reperiuntur; ad articulos illæ pertinent, aliæ vero secus; priores triplicis rursus sunt generis; mobilium ossium extremitates his operiuntur; cavitates articulorum illis augentur; aliisque tandem in hisce cavitatibus contentis quidam diriguntur motus.

LIGAMENTUM substantia est fibrosa, compacta, difficile extensilis, elastica, &c. Ligamenta ad articulos pertinent, vel non: priora interna aut externa sunt; hæc rursus articulum omnino comprehendunt, & capsularia dicuntur, vel juncturis ossium obfirmandis, quibusdamque motibus dirigendis inserviunt.

ARTICULATIONUM cava, sinoviâ, humore viscoso & limpi-

(a) Vid. Winslow Expos. Anat. n^o. 146.

(b) Consul. Instit. Chirurg. Platæni, n^o. 1093.

do, continuò lubricantur; eam à glandulis quibusdam, sinovialis ergò dictis, ibique reperiendis separari compertum est. Medullarem succum huic juxta, quorundam placita immisceri non posse, nobis videtur. (a)

PLURIMUM inter se discrepant luxationes. Earum differentie deducendæ sunt, 1°. ab articulo qui morbo illo afficitur, 2°. à loco quem caput ossis occupat, 3°. à causâ à quâ pendet luxatio, 4°. ab ejus symptomaticis, 5°. tandem ab ejus tempore. Dividuntur autem in completas & incompletas; superiores, inferiores & laterales; simplices, compositas & complicatas, recentiores & veteres, &c.

CAUSÆ luxationum internæ sunt vel externæ: externas inter ea omnia annumerantur quæ ligamenta ultra modum elongare, ossaque suis è cavis ejicere possunt: tales sunt, ictus, lapsus, nissus, &c. internæ verò ea sunt quibus ossa inæqualibus trahuntur viribus, muscoli ligamenta-ve, articulum ambientia relaxantur, articulorum cava extraneo quodam corpore replentur, mutuis-ve partium destruitur consensus: hæc infrequentiores sunt, ligamentorum debilitas à prægresso serosorum humorum in articulum influxu; convulsiones; paralisis; sinoviae accumulatio; articulorum abscessus; ossiumque tandem intumescencia.

DIAGNOSTICA luxationum signa, in communia & propria dividuntur: communia quolibet in luxatione occurrunt, scilicet, dolor, immobilitas, tumor eo in loco quem caput ossis occupat, & cavitas in eo equo excidit, partisque tandem accurtatio vel elongatio.

PROPRIA varia sunt pro variis luxationum speciebus. Completam à causâ externâ productam sequentia indicant. 1°. Externæ causæ actione subitò accidit; 2°. alia luxati ossis extremitas versùs oppositam partem dejicitur, ex quo judicari simul potest, an superior, inferior, lateralis-ve sit; 3°. membrum unam in partem facilius movetur; 4°. partis affectæ muscoli inæqualiter tenduntur.

INCOMPLETAM è contra luxationem esse his signis cognoscitur: 1°. Figura nec longitudo partis immutantur; articulus tamen

(a) Præterquam quod non demonstratur, quâ ratione medullaris succus in articulorum cava extillet; liquoris illius cum sinoviâ, miscela impossibilis est, uti expertum fuisse se dicit Duverneyus, Tract. de morb. Oss. Tom. 2. pag. 359.

4

paulo eminentior est ac in statu naturali, 2°. non facilius in unam, quam in aliam partem movetur; 3°. dolor intensissimus est.

LUXATIONIS à ligamentorum relaxatione diagnosi deducitur, ex eo quod, 1°. progressus fuerit serosorum humorum in partem decubitus; 2°. hæc facillimè quaquà versum moveatur; 3°. adfit in articulo tumor cum mollitie.

Si è contrà ab humoris sinovialis congestione pendeat, fit pedetentim & absque dolore, 2°. membrum elongatur, 3°. difficile, sæpiusque nullatenus reponi potest. 4°. dum tentatur reductio, sonus quidam percipitur, ei similis quem subacta refert argilla.

LUXATIONEM à paralyfi pendere nullus inficias ire potest, cum membrum paralyticum afficit; 2°. cum cavum adest inter caput ossis & solitam illius sedem; tertioque tandem cum os luxatum omnem in partem titubat.

Quæ tandem à convulsionibus, abscessu, aut ab ossium intumescentiâ pendent, facillimè cognoscuntur.

Ut varia luxationum diagnosi est pro diversis earumdem speciebus, sic quoque varia prognosis. Ex. g. quæ *Diarthroses* orbiculares afficiunt, aut ab externâ causâ pendent, simplices & compositæ, recentes, &c. iis quæ in *Diarthrosis* alternis accidunt, aut ab internâ producuntur causâ, complicatis &c. facilius & reponuntur & curantur.

Huius-ce morbi symptomata omnia, à ligamentorum tendinumque nimia extensione, cartilaginum inversione, glandularumve sinovialium contusione pendent, & eorum præcipua sunt dolor, immobilitas, inflammatio, febris, convulsiones, marcor, torpor, anchilosis, &c.

TRIA ad illius curationem requiruntur; 1°. enim luxata ossa redaptari debent; 2°. suo loco retineri; 3°. præsentia curari accidentia, futuraque averti.

LUXATORUM ossium repositio extentione, contra-extentione, reductioneque tandem obtinetur. Extentionis ac contra-extentionis nomine, illæ designantur actiones, quibus dimotorum ossium extrema à se invicem deducuntur.

MANIBUS, habenis, machinisque fieri possunt, his cum cautelis, ut, 1°. pars eo sit in situ, ut musculi æqualiter extendantur; 2°. loca quibus laquei debent imponi splenis defendantur; 3°. laquei ipsismet affectis partibus & pone condylos applicentur; 4°. laxius aut strictius pro majori minori-ve ægri obesitate constringantur; 5°. vires quibus trahuntur æquales sint; 6°. ossium dimotioni, vique musculorum proportionales; 7°. tandem gradatim agant.

REDUCTIO quæ est actio, quâ os luxatum suam in sedem reponitur, non est celebranda, quin sufficiant extensiones; id autem cognoscitur ex eo quod partes sufficienter à se invicem removeantur, musculique modò tumefacti, depressi appareant.

REDUCTIO vero ita fieri debet, ut os idem repetat iter, ac dum fuit luxatum, 2°. lentè ac successivè suam in cavitatem reponatur. Eam ritè factam esse indicant, 1°. sonus quidam eo quo fit temporis momento percipiendus; 2°. verò accidentium, doloris putà ac immobilitatis imminutio.

QUAMQUAM luxatorum ossium redaptationem primò instituentam esse dicamus, ab eâ tamen abstinendum, 1°. cùm luxatio inflammatione, convulsionibus, fracturâ-ve in eodem osse complicatur, nisi forte, vasa majora, dimotis ossibus comprimantur, gangrenæque periculum immineat; inflammatio enim priùs dissecuti, convulsionibus sedari, fracturaque tandem debet consolidari; 2°. cùm luxatio vetustior est; tunc enim ut plurimùm, impossibilis evadit.

LUXATA ossa suo in loco retinentur, 1°. absolutâ quiete; 2°. fasciatione; 3°. situ idoneo. Deligatio diversimode, pro variis, luxationibus, instituitur, eaque in luxationibus à causâ internâ magis quàm in iis quas externa produxit causa, necessaria est.

Varius quoque situs, hic corpus integrum; luxatum articulum ille spectat: exceptis maxillæ inferioris, extremitatumque superiorum luxationibus, æger in aliâ quâvis luxatione supinus recumbere debet. Membrum affectum, eo sit in situ, ut, 1°. musculi, quantum fieri potest, relaxentur; 2°. molliter firmiterque sustineatur; 3°. cæteris partibus elatius.

FUTURA luxationum incommoda, illarum reductione, repercutientium applicatione, venæ sectionibus plus minùs-ve repe-

6
ritis, diætâ, potu diluente & refrigerante, quiete primis à luxatione temporibus, levibusque tandem motibus primis diebus elapsis, arcantur: præsentia verò, mediis modò enumeratis, anodynisque, emollientibus, narcoticis, aut tandem resolventibus, pro re natâ, adhibitis curantur.

De Luxationibus à causâ externâ hic tantùm modo egimus. Quæ vero ab internis causis, sinovialis scilicet humoris accumulatione, convulsionibus, &c. pendent, non sunt reducendæ, quin morbi quibus producuntur, propriis sibi remediis fuerint destructi.

*Has Theses, DEO JUVANTE, Præsidente M. RA-
PHAËLE-BENEVENTO SABATIER,
Liberalium Artium & Chirurgiæ Magistro, tueri conabitur
ANDREAS-JOANNES LAGRAVE, Parisinus, in alimâ Uni-
versitate Parisiensi Liberalium Artium Magister.*

P A R I S I I S,
IN REGIIS CHIRURGORUM SCHOLIS,

*Die Sabbati 29^a. Decembris à sesqui-secundâ post meridiem
ad Septimam. Anno Domini 1753.*

PRO ACTU PUBLICO

ET

MAGISTERII LAUREÆ

**Typis DELAGUETTE, Regii Chirurg. Collegii
Typographi. 1753.**